

通

俗

編

通俗編卷十五

性情

稟性難移 後漢書方術傳光武謂高獲曰朕欲用子爲吏宜改常性獲對曰臣稟性於父母不可改之於陛下唐戎昱詩千金未必能移性殺俗有山河易改本性難移之諺曾見元玉壺春謝金吾二曲

性急 北史陳元康傳神武曰我性急

索性 宋子文集與呂伯恭書騁意過常遂煞不住不免索性說了又語錄比干則索性死了箕子在半上半下處最難

下情 管子明法篇下情求不上通謂之塞下情上而道止謂之侵又選兩都賦序或以抒下情而通諷諭或以

宣上德而盡忠孝晉書陸納傳外有微物方守遠郡欲與公一醉以展下情

情願漢書元帝詔骨肉相附人情之願也顏延之庭造施其情願庀其衣食蘇軾與范子豐尺牘婚嫁所須不可奈何甚非情願

不近人情

莊子逍遙游大有徑庭不近人情焉

情理不容

宋書始興王休仁傳惟以情理不容復有善心

情恕理遣

晉書衛玠傳人有不及可以情恕非意相干

可以理遣

愛博而情不專

韓退之與陳給事書云

君子愛人以德

禮記檀弓文後漢書荀彧傳董昭等欲

進操爵國公九錫備物或曰君子愛人以德不宜如此
不見可欲使心不亂見老子上篇蜀志秦宓傳引道家
法作所欲南史沈憲傳諸彥回稱邱仲起曰目見可欲
心能不亂此楊公所以遺子孫也

要知心裏事古樂府尺素如殘雪結成雙鯉魚要知心
裏事看取腹中書接今諺云要知心裏事但聽口中言
似卽因此改竄

開心見誠後漢書馬援傳開心見誠無所隱伏

良心發見見音現見孟子牛山章集註

小心謹慎漢書霍光傳二十餘年小心謹慎未嘗有過

後漢書郭皇后紀后弟況小心謹慎

鐵石心腸三國志魏武帝紀注令長史王必忠能勤事

心如鐵石度曰休文集宋廣平貞姿勁質疑其鐵石心
腸不解吐婉媚辭

老婆心切傳燈錄臨濟自黃檗往參大愚述三度被打

話愚曰黃檗與麼老婆心切我世所謂一片婆心卽此

心猿意馬參同契注心猿不定意馬四馳梁簡文詩三

修祛愛馬六意靜心猿許渾詩機盡心猿服神閒意馬

行南唐書元宗子從善傳子之壯也意如馬心如猿

二心兩意論衡調時篇天地之神用心等也非有二心

兩意前後相反也又易林睽之隨五心六意岐道多怪

關漢卿救風塵曲三心二意

有心機後漢書宦者傳鄭衆爲人謹敏有心幾

心術管子七法篇實也誠也厚也施也度也恕也謂之

心術荀子非相篇相形不如論心論心不如擇術形相
惡而心術善無害爲君子也漢書藝文志小說家有待
詔臣饒心術二十五篇

心狠國語宵之狠在而瑤之狠在心心狠敗國而狠不
害按狠當作很

心醉列子黃帝篇有神巫自齊來列子見之而心醉顏
氏家訓吾值名賢未嘗不心醉神迷向慕之也北史崔
瞻傳瞻辭韻溫雅劉師知見而心醉

心死北史齊宗室傅斛律光引諺曰奴見大家心死五
燈會元黃龍悟新師自號死心叟馬致遠青衫汨曲有
死心搭地語

生心

左傳隱元年公子呂曰勿與太叔則請除之無生

民心莊二十八年雙五謂晉獻公曰戎之生心國之患也文七年趙宣子曰既不受而復緩師秦將生心戰國策武安君諫伐趙曰兵出無功諸侯生心外救必至漢書外戚傳霍顯因生心辟左右謂淳于衍幸報我以事晉書劉聰載記康相曰願陛下早爲之所無使兆人生心

多心 臣氏審應寬周公口喑不言以精相告紂雖多心弗能知矣

甘心 左傳莊九年晉召營也請受而甘心焉杜注言欲快意戮殺之更記封禪書世主莫不甘心焉索隱注謂心甘美也

焦心 列子楊朱篇名乃苦其身焦其心漢書路溫舒傳

大臣憂戚焦心合謀後漢書朱浮傳上下焦心

負心 晉書劉宏傳匹夫之交尚不負心何況大丈夫乎

魏書文獻六王傳咸陽王禧曰我不負心天家

塞心 後漢書烏桓鮮卑傳其性悍塞注云塞謂不通猶

今人言塞心矣

黑心 法苑珠林如來在家時都無欲想心不染黑故得

斯報按陶穀述萊州右長史于義方黑心符謂黑心者

繼婦之名也魏吳普本草以黃芩爲妬婦李時珍曰芩

根多外黃內黑妬婦心黯故以爲比元人抱粧盒劇言

劉后一片黑心腸亦以其妬忌言之

畱心 文子微明篇聖人常從事于無形之外而不畱心

於已成之內史記蒙恬傳惟大夫畱心 三國志顧劭傳

商心下士惟善所在晉書慕容德載記周王漢祖皆留心賢哲北史朱世隆傳深自剋勉畱心几案遂有解了之名

畱神

後漢書郎顗傳丁寧再三畱神于此

畱意

更記樂毅傳敢獻書以聞惟君王畱意焉刺客傳

燕太子謂田光曰燕秦不兩立願先生畱意也漢書外戚傳陛下未有繼嗣子無貴賤惟畱意宋書劉穆之傳帝書素拙穆之曰此雖小事然宜布四遠願公小復畱意

得意

詩箋錫我百朋得祿多言得意也可馬法天子得

意則愷歌更記蘇秦傳說游王高宮室大苑囿以明得意袁盎傳絳侯朝罷趨山意得其宋書范蔚宗傳詳觀

古今著述評論殆少得意者

適意 更記明客傳悉所欲以順適其意晉書文士傳張翰曰人生貴適意耳

合意 陸賈新語夫子周流天下無所合意漢書匡衡傳朕嘉與卿同心合意後漢書馬援傳伏波論兵與我意合

中意 漢書江充傳奉法不阿所言中意師古注中當也又杜周傳奏事中意任用

不中意 漢書孔光傳以議不中意左遷廷尉北史魚俱羅傳弟贊凶暴令左右炙肉過不中意以籤刺瞎其眼宇文述傳張瑾與述連官嘗有評議偶不中意述張目瞋之我史記封禪書言康后有淫行與王不相中亦是

不相中意

掛意

唐同昌公主傳公主薨上口夕惻心掛意

執意

魏書慕容寶傳中書令睦邃執意抗言宋史王安

石傳性強忤自信所見執意不回

意智

後漢書鮮卑傳蔡邕議曰鮮卑據其故地稱兵十

萬才力勁健意智益生

小意智

朱子語錄管子書有說得太卑直是小意智處

不應管仲如此之陋

無轉智

又文集答陳同甫有此語

無個誠

景祐集韻藻字義字俱訓云無個誠貌

有意思

南史齊宗室傳晉安王子懋武帝諸子中最爲

清恬有思想

差強人意 後漢書吳漢傳帝曰吳公差強人意隱若一敵國矣

何足介意 後漢書度衡傳所傳少少何足介意三國志蜀先主傳袁公路冢中枯骨何足介意又列子黃帝篇有不用介意語

不如意恒七八 晉書羊祜傳祜歎天下不如意恒十居七八陸游詩不如意事常八九可與人言無二三意氣揚揚 史記管晏傳意氣揚揚甚自得也按荀子儒效篇揚揚如也注云揚揚得意之貌

沾沾自喜 見史記魏其侯傳張晏注沾沾言自整頓也大喜過望 漢書蘇布傳食飲從官如漢王居布大喜過望

歡喜 戰國策武安君曰秦克趙軍秦人歡喜易林心歡
喜利從已又少齊在門夫子歡喜後漢書馬融與竇伯
聞書曰賜書見手跡歡喜何量魏志賈逵傳注李孚比
見袁尚尚甚歡喜唐書杜審言傳武后令賦歡喜詩韓
昌黎集元和聖德詩序郊天告廟神靈歡喜

喜歡 三國志管輅傳注劉玠好易而不能精輅相見
意甚喜歡又選應璩與二從弟書問者北遊喜歡無量
樂府善哉行今日相樂皆當喜歡白居易詩獨出雖備
懶相逢定喜歡

千歡萬悅 易林千歡萬悅舉事為決

快活 五代史劉昫傳諸吏聞昫罷相皆歡呼曰自此我
曹快活矣爾林志梅詢見老卒臥日歎曰暢哉徐問識

字乎曰不識梅曰更快活也白居易詩快活不知如我
者人間能有幾多人杜荀鶴詩田翁真快活姻嫁不離
村蘇軾詩豐年無象何處尋聽取林間快活吟

不快 戰國策蔡澤入揖應侯應侯不快更記信陵君傳
行數里心不快樂毅傳太子嘗不快於毅甘茂傳文信
侯不快甘羅曰君侯何不快之甚也漢書趙充國傳張
安世嘗不快上後漢書竇武傳帝與后不快幾至成敗
援世謂不可意曰不快有疾亦曰不快以上皆不可意
之謂後漢華陀傳體有不快起作一禽之戲怡然汗出
魏志有士患體中不快詣華陀陀曰君疾當破腹取之
乃有疾之謂也

不快活

朝野僉載桑維翰曰居宰相如著新鞋襪外面

好看其中不快活也

快活人

百居易詩誰知將相王侯外別有優游快活人

快活三郎

見開元傳信錄又武林舊事元夕舞隊有快

活三郎快活三娘

自由

後漢書五行志樊崇等立劉盆子爲天子然視之

如小兒百事自由初不恤錄也杜甫詩此時對雪遙相

憶送客逢春可自由百居易詩貧賤亦有樂樂在身自

由又白有自在詩云我今實多幸內外無一礙所以日

陽中向君言自在五燈會元華光範有自由自在語

高興

殷仲文詩獨有清秋日能使高興盡杜甫北征詩

青雲動高興九日曲江詩晚來高興盡

神王

莊子養生主澤雉十步一啄百步一飲不斲齒乎

樊中神雖王不善也音義曰王于況反世說大傅府多名士庾文康云見之常自神王

會得 干國春秋宋太宗時或言劉昌言問諸恐奏對難會太宗曰我自會得按會謂理會也理會得理會不得宋儒語錄中頻見今俗若以為能之代字傳燈錄僧問宗乘中事永明曰禮拜著曰學人不會曰出家行腳禮拜也不會此雖屬關機亦見當時有以會為能者矣樂得 禮樂記君子樂得其道小人樂得其欲老子同于道者道亦樂得之易林還於次舍樂得自如樂此不疲 後漢書光武帝紀太子見帝勤勞承閒進諫帝曰我自樂此不為疲也又唐書張文琮傳好寫書筆不釋手曰吾好此不為倦

爲善最樂 後漢書東平憲王傳曰者問王處家何等最
樂王言爲善最樂按孔安國書傳民之行已盡用善道
是多樂也東平語蓋本之內典亦云爲善若熟種種快
樂

行樂圖 貢觀畫史隋朝官本有劉項畫少年行樂圖按
今人凡自寫小照概謂之行樂源實由此

樂極生悲 太公陰謀武王觴銘曰樂極則悲沉湎致非
淮南子道應訓物盛而衰樂極則悲日中而移月盈而
虧又漢武帝秋風辭歡樂極兮哀情多隔濟開情賦悲
樂極以哀來

苦中作樂 天寶積經心如吞鉤苦中作樂想故
忽忽不樂 史記韓長孺傳益東徙屯意忽忽不樂漢書

梁孝王傳上疏欲留弗許歸國意忽忽不樂

恨恨 晉書周浚傳邳州上下所以恨恨也

怨氣滿腹 後漢書祭祀志羣臣言宜封禪泰山詔曰卽

位三十年百姓怨氣滿腹吾誰欺欺天乎

生氣 晉語子犯曰未報楚惠而抗宋我曲楚直其衆莫

不生氣

出氣 五代史伶人傳諸伶每侮弄縉紳羣臣憤嫉莫敢

出氣或反相附托以希恩

爭閒氣 東坡志林桃符與艾人爭鬻不已門神解之曰

吾輩不肖方傍人門戶何暇爭閒氣耶

焦躁 見朱子集答黃子耕簡

隱忍 漢書劉輔傳小罪宜隱忍後漢書孔融傳雖有重

戾必宜隱忍賈誼所謂擲鼠忌器也

倥倥 楚辭九思遽倥倥兮驅林澤注倥倥驚恐貌一作

章皇文選羽獵賦章皇周流注猶彷徨也

荒忙 白居易夢井詩念此瓶欲沉荒忙爲求請按荒當

爲慌之借字慌見說文廣韻加草作慌今言昏遽者皆

云慌忙

惶惑 漢書朱博傳右曹掾史皆移病臥博問其故對言

惶恐王莽傳吏民惶恐屬縣屯聚

忐忑 五音集韻音愁忒心虛也道藏三元經心心忐忑

悞悞 鼠璞晉禮儀志有悞悞歌上烏浩反下奴浩反卽

今之悞惱字集韻類篇悞俱奴刀切注云悞悞痛悔也

音如慙慙按邵堯夫詩有他人詰惱人句詰惱猶悞悞

而一但自己不快一有攪亂人義小別

煩惱 河上公老子註天地惡煩惱人心惡多欲

不耐煩 宋書庾登之傳弟炳之爲人強急而不耐煩五

代史唐明宗家人傳曹氏謂王氏曰我素多病而性不

耐煩妹當代我劉希夷詩幽人不耐煩振衣步閒寂蕭

穎士貽韋司業書頃來志若轉不耐煩

好嬉子 吾子行有好嬉子三字私印見秋樓雜抄

苦惱殺 朱子答廖子晦書今人得書不讀只要賣錢是

何見識苦惱殺人奈何奈何

何苦 史記黥布傳何苦而反晉書宣帝紀何苦自來藥

府讀曲歌合散無黃連此事復何苦

徒自苦耳 後漢書馬援傳士生一世但取衣食裁足致

求盈餘徒自苦耳又漢書揚雄傳劉歆觀太玄法言謂
雄曰空自苦後漢杜根傳或問根曰往者遇禍天下國
家同義知故不少何至自苦如此

佯爲不知 左傳定十二年子偽不知注云佯不知更記
范曄傳佯爲不知永巷而入其中封禪書文成爲帛書
以飯牛佯不知言曰此牛腹中有奇按佯亦作狎吳子
論將篇其追北狎爲不及其見利狎爲不知又作陽見
左傳音義

三不知 左傳哀二十七年荀文子曰君子之謀也始衷
終皆舉之而後入焉今我三不知而人之不亦難乎姚
福青溪暇筆俗謂茫遽曰三不知卽始中終三者皆不
能知也其言蓋本左傳按宋史馬廷鸞阮子賈似道求

去陞辭云天下安危人主不知國家利害羣臣不知軍
前勝負列闔不知此亦與俗言合識以備叅

貴人多忘唐摭言王冷然與御史高昌宇書有此語按
元人漢宮秋涼蘇秦風光好范張雞黍魔合羅等曲並
云貴人多忘今俗于忘下增事字未見所出

健忘司空圖詩齒落傷情久心驚健忘頻白居易詩老
來多健忘惟不忘相思范成大詩舊客姓名多健忘家
人長短總伴醉我忘去聲俗讀平聲非

健羨史記自序去健羨納聰明又健慕猶言健羨見太
平廣記道術門

割捨不得淮南子說山剗割而舍之鎮邪不斷肉詩謹
陸士衡才思有餘但書太多為礙能痛割捨乃佳耳侯

鯖錄王晉卿暴得耳疾意未能堪求方于東坡坡曰君是將種斷頭穴胸當無所惜兩耳堪作底用割捨不得限三日疾去不去割取兩耳晉卿灑然而悟

方寸亂 資暇鏡今人稍惑撓未決則云方寸亂矣此不獨誤也何失言甚歟蜀志徐庶從昭烈率兵南行母爲曹操所虜庶將辭昭烈詣曹乃自指心曰本欲與將軍共圖王霸之業今母爲彼獲方寸亂矣荷事不相類其可輕用耶

內熱 左傳昭元年女陽物而晦時淫則生內熱惑蠱之疾莊子人間世朝受命而夕飲冰我其內熱歟援孟子熱中亦莊所云內熱之義

渴睡 六一詩話客舉呂君工詩胡且問其警句客舉一

篇卒章云挑盡寒燈夢不成笑曰乃一渴睡漢耳明年
呂中甲科使人寄語胡曰渴睡漢狀元及第矣頌真子
載舉子求易韻事曰老人渴睡蘇子瞻詩吳興太守老
且病堆案滿前長渴睡按渴本作瞌渴乃借字用之集
韻眼瞌欲睡貌貫休書羅漢詩瞌睡山童欲成夢朱子
語錄秦兵曹瞌睡五燈會元元沙備云千里行脚不消
箇瞌睡寐語泐潭英云堂中瞌睡寮裏抽解神鼎譔云
驚回多少瞌睡人雪竇雅云霹靂過頭猶瞌睡及鹿苑
暉保福展寶應進雲臺岑所云瞌睡漢俱正用瞌字
念酸馬令南唐書舒雅傳韓熙載不拘禮法嘗與雅易
服燕戲彘雜侍婢入末念酸以爲笑樂

太子細

北史源思禮傳爲貴人當舉綱維何必太子細

也杜甫詩野橋分子細醉把茱萸子細看傳燈錄祖卽
云更須子細文偃云大須子細俱用子字白居易詩世
路風波仔細諳作仔

想當然後漢書孔融傳融與曹操書稱武王伐紂以妲
已賜周公操不悟後問出何經典對曰以今度之想當
然耳按蘇長公以想當然對梅聖俞乃宗孔語

非非想楞嚴經于無盡中發實盡性如存不存若盡非
盡如是一類名爲非想非非想處

尋思後漢書劉矩傳有爭訟引之于前訓告以爲忿恚
可忍縣官不可入使歸更尋思

更思量北史和士開傳事太急促猶欲王等更思量

胡思亂量宋子集答潘文叔曰宜于日用之間稍立課

程不要如此胡思亂量過却日子也。蓋弁閑燕常談何
巢入視帑藏倉庾時有胡思者為司農卿巢屬言曰大
卿切弗亂量思應曰諾至客次方悟其以俗言為戲
蓋有所思夜形為夢。列子周穆王篇書想夜夢潛夫論
夢列論書有所思夜夢其事。

舉世盡從愁裏老。杜荀鶴宿臨江驛詩也。高齋詩話荀
鶴舉世盡從愁裏過正好對退之何人肯向死前休。按
荀鶴下句誰人肯向死前閑與退之所別原只二字而
上句作愁裏老不作過也。

愁人莫向愁人說說向愁人愁殺人。五燈會元廣德周
保寧幾皆舉此二語。

不風流處却風流。吟巖集沈樞請筠州攜二鬟去數年

歸家皆處子潘方壽以詩寄曰鐵石心腸延壽藥不風
流處却風流五燈會元普能梵言慧空三師俱舉句云
有意氣時添意氣不風流處却風流

怒者常情笑者不可測 庸書魚朝恩傳釋菜執易升坐
言鼎有覆餗象以侵宰相王緒怒元載怡然朝恩云云
可以共患難不可以共處樂 吳越春秋范蠡言越王爲
人云云

智者千慮必有一失愚者千慮必有一得 史記淮陰侯
傳廣武君云云

一人不敵衆人智 任子一人之智不如衆人之愚
智謀短淺 漢書孔光傳臣光智謀短淺犬馬齒載誠恐
一旦顛仆無以報稱

深謀遠慮 賈誼過秦論深謀遠慮行軍用兵之道

陰謀詭秘 高似孫鬼谷子序窮天之用賊人之私而陰

謀詭秘有金匱韜畧之所不能該者

妬賢嫉能 史記高祖紀王陵曰項羽妬賢嫉能所以失

天下也諸葛亮心書為將有八弊一曰貪而無厭二曰

妬賢嫉能

天資刻薄 史記商君傳韓非君天資刻薄人也

資質佳 吳志顧邵傳小吏資質佳者獎令就學擇其先

進擢置左右

聰明自誤 蘇軾詩人皆養子望聰明我被聰明誤一生

剛愎自用 金史赤堇合喜傳性剛愎好自用我左傳先

穀剛愎不仁韓非子鮑叔牙剛愎而悍上愎音若別俗

以負氣不肯親人曰復氣卽此字

夢夢

見詩小雅正月及大雅抑篇

憤憤

太玄經曉天下之憤憤瑩天下之晦晦三國志蔣

琬傳楊敏毀琬作事憤憤孫琳傳罵其妻曰汝父憤憤

敗我大事世說新語王導末年畧不省事歎曰人言我

憤憤後人常思此憤憤

落落穆穆

晉書王澄傳澄謂衍曰兄形似道而神鋒太

雋衍曰誠不如卿落落穆穆然

悠悠忽忽

文選高唐賦悠悠忽忽怊悵自失世說劉伶

身長六尺而悠悠忽忽土木形骸

恍恍惚惚

六韜選將篇有湛湛而無誠有恍恍惚惚而

反忠實

昏昏昧昧

列子力命篇楊朱語楊布云

顛顛癡癡

北史齊文宣紀游行市廛問婦人曰天子何

如答曰顛顛癡癡何成天子

怛怛怛怛

易林怛怛怛怛如將不活

滯滯泥泥

醒象山語錄凡事莫如此滯滯泥泥

痿痿羸羸

傳燈錄藥山惟儼曰我痿痿羸羸且恁麼過

時

忠厚

詩序行葦忠厚也周家忠厚仁及草木史記韓安

國傳智足以當世取舍而出於忠厚焉世說吳四姓舊

目云張文朱武陸忠顧厚

倜儻

晉書劉殷傳性倜儻有濟世之志甯史何遠傳本

倜儻尙輕俠至是折節爲吏夏侯湛東方朔贊倜儻傳

物觸類多能倣他歷切本又作倣廣雅倣儻卓異也史
記魯仲連傳好奇倣儻之畫策漢書司馬遷傳惟倣
儻非常之人稱焉晉書袁耽傳少有才氣倣儻不羈
落度 三國志楊儀傳當落度如此晉書五行志童謡
元超兄弟大落度按度音鐸世謂不拘謹修飾曰落度
一作落托晉樂府懊惱歌攬衣未結帶落托行人斷又
作樂託世說謝中郎曰王修載樂托之性出自門風又
作落拓北史楊素傳少落拓有大志不拘小節

坦率 晉書庾亮傳坦率行已北史李廣傳坦率無私爲
士流所愛成淹傳子霄好爲文詠坦率多鄙俗唐國史
補德宗徵行西明寺宋濟方抄書上曰茶請一椀濟曰
鼎水方煎自取之問姓行曰姓宋第五須臾聞呼官家

濟惶懼上曰宋五坦率後聞禮部放榜濟以誤失官韻
無名上曰宋五又坦率也

靈利 東坡雜纂二續載設不得四事其一曰靈利孩兒

買物陸象山語錄既是一箇人如何不打疊教靈利悅

生隨抄范蜀公言家中子弟連名百字幾乎葬盡矣或

曰百靈百利百巧百窮必未取以名也蜀公爲之大笑

按五燈會元宗智謂雲巖不妨靈利潯山謂智閑聰明

靈利及靈利座主靈利道者靈利衲子靈利漢靈利人

俱作靈利而此語之見字書者惟廣韻創字下云創利

快性人也則創利其正文矣朱淑真詩云始知伶俐不

如癡字彙云方言謂黠慧曰伶俐俱傳文未得真也

遲鈍

論語包咸注訥遲鈍也漢書翟方進傳號遲頓不

及事顏師古曰頓讀曰鈍三國志孫奭傳吾初憂其遲鈍今治軍諸將少能及者吾無憂矣北史李渾傳李繪答崔湛曰下官膚體疎嬾手足遲鈍不能近追飛走遠事佞人

孟浪莊子齊物論夫子以爲孟浪之言而我以爲妙道之行也音義曰孟如字或武葬反向氏云無趣舍之謂崔氏云不精要之貌左思吳都賦若吾子之所傳孟浪之遺言注云不委細貌按集韻謂向秀讀孟爲莽今吳中方言所云莽浪乃卽孟浪

倔强史記陸賈傳欲以新造未集之趙屈彊于此漢書匈奴傳楊信爲人剛直倔强後漢書盧芳傳論附假宗室掘彊歲月之間鹽鐵論倔强倨傲自稱老夫楊泉太

元經強梁者亡嘯強者折五代史李巖傳孟知祥佩彊於蜀按以上用字各不同音義悉同

生硬 白居易初到忠州詩吏民生硬都如鹿荆棠錄言北妓張八舉止生硬

疲軟 漢書賈誼傳坐罷軟不勝任者不曰罷軟曰下官不職罷與疲通晉書劉頌傳今世士人決不悉疲軟也關茸 賈誼弔屈原文關茸尊顯今說誤得志司馬遷報任安書在關茸之中相寬鹽鐵論諸生關茸無行

伯儼 司馬相如大人賦乞以伯儼伯讀如熾注云固滯貌釋韻云不前也杜甫西嶽賦千乘萬騎矍矍伯儼柳宗元夢歸賦紛若倚而伯儼李白送王屋山人詩五月造我語知非伯儼人歐陽修啟以末途之伯儼說定價

於妍媸俱本自相如賦

惜懂 廣韻惜懂心亂也傳燈錄石霜慶諸有太惜懂語

談戴甄龍友平生給提一時惜懂畫繼翟耆年嘲米元

暉詩善畫無根樹能描惜懂山

疑獸 廣韻獸五來切獸疑象犬小時未有分別范石湖

集有賣癡獸詞宋无吟嚙集沈樞紹興中爲詹事和議

成樞語同列曰官家好獸上聞之謫筠州按世俗以獸

駢通用攷字書駢五駢切從未有平聲讀者蓋其義雖

同訓疑而實爲兩字

狡猾 左傳昭二十六年王子朝曰若我兄弟甥舅獎順

天法無助狡猾史記雖有狡猾之民無離上之心方言

小兒多詐謂之狡猾

放肆 關尹子一鯁至微亦能放肆乎大海文選陳琳檄
吳將校部曲猶穀卵始生毛翰而便陸梁放肆宋書樂
志咨爾巴子無放肆唐書劉義傳義亦一節士少放肆
爲俠行

寔數 釋名寔數猶局縮背小意也李諤俗呼小錄鄙齋
計較者爲搜搜搜搜正寔數之轉也

贓財 讀若濫紺集韻類篇俱訓貪財也按今蘇州有贓
財毛病語

墨尿 容齋四筆柔詞詔笑專取容悅世謂之迷癡雖爲
俚言亦有所本列子墨尿單至嘽咀慙慙四人相與游
于世張湛注墨音眉尿勅夷反方言江淮之間謂之無
賴所釋雖不同然大畧具是援列子言若人名者寓言

也楊雄方言江淮間凡小兒多詐而獐或謂之墨尿與
張注所引頗異集韻亦云墨尿黠詐貌皮日休反招魂
上暖昧而下墨尿

眠挺 列子力命篇眠挺謹諉勇敢怯疑四人亦相與游
張注云眠莫典切挺徒典切瑟縮不正之貌洪容齋云
世謂中心有愧見之顏色曰緇覲卽此按方言眠挺欺
謾之語也郭璞注相輕易蚩弄也亦與張注異義卽時
俗驗之大抵言墨尿者當依方言訓黠詐言眠挺者當
依列子注訓瑟縮五燈會元智遷云得恁瞋瞋覲覲蓋
卽當用眠挺而不知其字漫以音發之也

藉苴 指月錄五祖演禪師綿州人造白雲端端謂曰川
藉苴又明覺顯與棲賢禪菴苴不合五燈會元真淨貽

文準曰乃敢爾薄且節按藉助假切山谷曰藉穢泥不
熟也苴查滓也蒸謂其未經鍼耕所謂糟粕也今凡性
情籠率不自檢點者俗以此語目之

夷夷

漢書賈誼傳夷后亡節註云夷夷而無志節說文

夷胡結切頭衰飢態也夷古屑切頭傾也直讀若列擊
我俗謂人胸次不堪夷舉事拗戾以乖忤人者有此目
而其字未之知也愚謂當用此二字然蔡邕短人賦云
其餘尨公劣厥僂竇嘖嘖怒語與人相拒衆人患忌難
以爲侶劣厥亦乖忤之辭而音相近並者之俟知者擇
焉

兜搭

楊升菴外集兜搭本夷人服名上音兜下音達今

人謂性劣者爲兜搭七修類稿挽踏取桔槔取水之義

上以手攬而入下以腳踏而出謂其展轉不散釋也借喻人難理會按二說俱牽強不經當但作兜搭晉語在列者獻詩使弗兜注云兜惑也搭則粘附之義多所兜惑而搭住不解意自顯然

陰毒 北史高隆之傳隆之性陰毒榜嚴經如陰毒人懷抱蓄惡

潑賴 餘冬序錄蘇州以醜惡曰潑賴潑音如派雲南夷俗謀言誣陷人曰卑賴之事蓋亦潑賴之轉

執 宋史呂蒙正傳上欲選人使朝方蒙正以名上上不許他日三問三以其人對上曰卿何執耶對曰臣非執陛下未諒耳按莊子養生主有執而不化語後世凡言執意本之此單舉執字與今恒言最合

婆

晉書陶侃傳老子婆婆正坐諸君輩王述傳致仕之年不爲此公婆婆之事按古人凡云婆婆皆屬遲戀之義故今以性不決捷爲婆

乖

邵子擊壤集有安樂窩中好打乖吟朱子語錄張良少年也任俠殺人後來因黃石公教得來較細此其所以乖也按乖之本義爲戾爲睽爲背異羅隱詠焚書坑詩祖龍算書渾乖角將謂詩書活得人乖角猶乖張也而世率以慧爲乖角其故不解或云乖者與人相約稍值利害則背異而避之自全反以不背者爲癡此正所謂乖角者然其說亦費曲折楊雄方言有云凡小兒多詐而癡或謂之姤注云言黠姤也姤字長言之則轉爲乖今正謂小兒黠猶曰乖本指未泯沒也

通俗編

卷十五

性情

三

怵 集韻怵部本切性不慧也按晉書豫章太守史疇以體肥大目爲笨伯唐書注舉樞夫謂之怵夫笨怵皆應率倖劣之貌字相通用而與怵有主貌主性之別又三字皆从大从十而不从本世俗概以笨爲不慧據說文笨爲竹裏與笨伯之笨亦不同也

通俗編卷十六

身體

畏首畏尾

左傳文十七年鄭子家引古人言曰畏首畏

尾身其餘幾

徹頭徹尾

程子中庸解誠者物之終始猶俗言徹頭徹

尾又朱子答呂伯恭書有從頭徹尾語

有頭無尾

朱子語錄若是有頭無尾底人便是忠也不

久又云斐然成章也是自成一家了做得一章有頭有

尾與今學者有頭無尾底不同按戰國策甘茂謂秦王

若能爲此尾注云尾終也

垂頭塞耳

後漢書楊賜帝紀刺史垂頭塞耳阿私下比馬

嚴傳不卽垂頭塞耳採取財賂

垂頭喪氣

韓昌黎集送窮文主人于是垂頭喪氣上手

稱謝

垂頭搨翼

父選陳琳檄豫州文方畿之內簡練之臣皆

垂頭搨翼其所憑恃

藏頭伉腦

宋子語錄論周易云聖人有甚麼說話要與

人說便分明說了不應恁地千般百樣藏頭伉腦教後

人自去多方推測

撞頭墮腦

葉水心集修路疏南來北往何憂帶水拖泥

朝去暮歸不到撞頭墮腦又五燈會元慈濟聰有撞頭

磕額語

擺頭撼腦

百岩易黃雀詩擺頭撼腦花開裏將謂春光

總屬伊又韓退之詩有擺頭笑且言句五燈會元洞山

乾有搖頭擺腦語

搖頭擺尾

傳燈錄元安辭臨濟去濟曰門下有箇赤梢

鯉魚搖頭擺尾向南方去不知向誰家盡覓裏淹殺五

燈會元孚上座謂雪峯曰和尚搖頭某曰擺尾僧昭叅

圓照曰師若搖頭弟子擺尾

焦頭爛額

漢書霍光傳曲突徙薪亡恩澤焦頭爛額爲

上客

銅頭鐵額

龍魚河圖蚩尤氏兄弟七十二人皆銅頭鐵

額干洲記聚窟洲有鑿齒長牙銅頭鐵額之獸太平廣

記引逸史有術士謂安祿山曰公有陰兵五百皆銅頭

鐵額常在左右

三頭八臂

梁書扶南國傳俗事天神以銅爲像二面者

四手四面者八手手各有所持或小兒或日月或鳥獸
法苑珠林修羅道者體貌麤鄙並出三頭重安八臂梁
簡文大敬愛寺刹下銘八臂三目頂帶護持
伸頭縮頭許洞嘲林君復詩豪門送物聽伸頸好客臨
門顰縮頭

光頭圓腦鄧清之咏茹詩光頭圓腦作僧看

無出頭三國志呂布傳注與袁術書曰足下昆亂壽春
無出頭者王明清燕青雜說載項四郎救徐七娘事曰
寧陪些少結束嫁與一本分人豈可教他作倡女婢妾
一生無出頭耶

放出一頭地朱子名臣言行錄歐陽文忠試禮部進士
得蘇文忠語人曰老夫終當遜此人放出一頭地

出頭不得 冥報記大業時宜州皇甫遷轉胎豬腹賣社
家將次縛殺見夢妻兒得贖還比鄰相嫌者並以豬爲
譏罵兒女私報豬云爺作業不善受此豬身男女出頭
不得請往徐家送食供養

擡頭不起 開天遺事華陰簿張象爲守令所抑歎曰若
立身矮屋之下使人擡頭不起棄官而去朱子集答潘
叔昌曰世俗近年有一種議論愈見卑狹令人擡頭不
起轉身不得

努出頭來

文彥博詩努出頭來放早衙

頭上安頭

黃庭堅拙軒頌頭上安頭屋下蓋屋畢竟巧

者有餘拙者不足傳燈錄元安示衆曰今有一事問汝
等若道是卽頭上安頭若道不是卽斬頭求活

錯安頭 宋史李先傳人目以俚語爲錯安頭謂其無貌

而有材也

沒頭腦 朱子語錄佛氏亦可謂天壽不貳然修身以俟

之一段全不理會所以做底事皆無頭腦霍林玉露李

白見永王璘反便從臾之詩人沒頭腦至于如此

大頭腦 又語錄要見得一大頭腦分明便于操舍之間

有用力處

佻頭 元史武宗紀徽政使佻頭等言別不花以私錢建

寺爲國祝釐按佻音如哇不正也元俗質朴卽其形以

爲名海寧有元祭酒榮佻頭墓談遷海昌外志狗俗作

歪頭非

頭目 荀子議兵篇下之于上也若手臂之扞頭目也按

元號領軍官爲頭目中統元年詔軍人陣亡者家屬仰各頭目用心照管見元典章義本于荀子也

爲頭 元典章監察合行事件有丞相爲頭尚書省官某大夫爲頭一同奏過按今以率衆先事曰爲頭沿于此又至元三十年奏和尚先生秀才一處若有爭差約會和尚爲頭兒的先生爲頭兒的秀才爲頭兒的一同問者所云頭兒蓋謂儒學及僧道官也當時稱謂如此今惟以之號工師矣

改頭換面 寒山詩改頭換面孔不離舊時人晁迥客語蓮順美惡皆是一體改頭換面了出來五燈會元宗杲謂張無垢曰門下旣得此話欄可改頭換面說向儒家使殊途同歸

肥頭大面

太平廣記唐逸士殷安嘗謔其子堪爲宰相

曰汝肥頭大面不識古今噉食無意智不作宰相而何

灰頭土面

五燈會元僧問神鼎譚如何是清淨法身曰

灰頭土面

三頭二面

李義山雜俎慧昧之流三頭二面趨奉人又

凍水家儀凡女僕兩面二舌虛飾造謔者逐之元李行

道曲有兩面三刀語

頭不梳面不洗

五燈會元僧問慧顒如何是無縫塔中

人顒舉語云云按二語爲俚俗童謠此可驗其謠之久

遠

玉面

韓詩外傳楚莊王謂鄭伯云君子不令臣交易爲

言是以便寡君得見君之玉面按凡尊人之辭如曰玉

體玉趾皆本先秦古書戰國策恐太后玉體之有所邪
左傳寡君聞君親舉玉趾是也

面孔開天傳信記黃幡綽嘲劉文樹曰文樹面孔不似
胡孫胡孫面孔強似文樹

作面子舊唐書張濟傳濟出軍討太原中尉內使饒子
長樂楊復恭奉卮酒屬濟濟辭曰聖人賜酒已醉矣復
恭曰相公握禁兵擁大旆獨一面不領復恭意作面子
耶濟笑曰賊平之後方見面子復恭銜之按此卽今北
方人所謂做臉兒

石顏面目史記孟嘗君傳客見文一日廢皆背文而去
今賴先生復得其位客亦有何面目見文乎漢書司馬
遷傳亦何面目復上父母之邱墓乎後漢書吳祐傳謂

馬融曰李公之罪成于卿手何面目見天下人趙苞傳
食祿而避難殺母以全義有何面目立于天下

面目可憎語言無味 見韓退之送窮文

人面獸心 見史記匈奴傳贊又晉書孔嚴傳降附之徒
皆人面獸心難以感義劉元海等載記論彼人面而獸
心見利則棄君親臨財則忘人義者也宋書明帝紀子
業人面獸心見于齡曰北史太武五王傳人面獸心去
留難測隋書盧思道勞生論君家則人面獸心不孝不
義舊唐書于志寧上太子書人面獸心豈得以禮教期
按列子黃帝篇人未必無獸心夏桀殷紂魯桓楚穆狀
貌七城皆同于人而有禽獸之心三國志陸瑁傳公孫
淵屏在海隅雖托人面與禽獸無異孟郊詩古人形似

獸而有犬聖德令人表似人獸心安可測即皆人面獸
心之說又晉書符朗至揚州或問見王吏部兄弟未朗
曰非人面而狗心狗面而人心者乎王悅貌醜而才慧
國寶貌美而才劣故朗云然此其語意不同

當面踉過 五燈會元明悟有當面拈來卻成踉過語又
大圓問智策汝自天台來見智者麼策曰當面踉過

君子不羞當面 見元曲選張國彬合汗衫劇

人面逐高低 又王子一誤入桃園曲

唾面自乾 舊唐書婁師德傳教其弟耐事弟曰有人唾

面潔之而已師德曰未也潔之是違其怒正使自乾耳

剝面皮 西京雜記曹元理計困米數出差一升而中有

一鼠元理曰遂不知鼠之殊米不如剝面皮矣裴氏語

林賈充謂孫皓曰何以剝人面皮皓曰憎其顏之厚也
面皮厚 南史卞彬傳書鼓云徒有八尺圍腹無一寸腸
面皮厚如許受打未詎央又面皮薄見庾信詩向人長
曼臉由來薄面皮

顏厚 書五子之歌顏厚有忸怩詩小雅顏之厚矣文選
閒居賦雖吾顏之云厚猶內愧于甯遠唐書劉蕡傳李
邵曰蕡逐我留吾顏其厚耶開天遺事進士楊光遠干
索權豪無厭或遭撻辱略無改色時人云光遠慚顏厚
如十重鐵甲

奴顏婢膝 抱朴子交際以奴顏婢膝爲曉解宋史陳仲
微傳俛首吐心奴顏婢膝陸龜蒙詩奴顏婢膝真乞丐
反以正直爲狂癡

樺皮臉

元人丸經引俚語云眼睛飽肚裏饑樺皮臉拖

狗皮輪便怒癡便喜睥別人不回禮

爲耳目

漢書張耳傳趙人多爲耳餘耳目者蓋寬饒傳

奉錢半給吏民爲耳目爲事者朱博因親信之以爲耳

目南粵傳呂嘉居國中甚重粵人信之多爲耳目者魏

志閻溫傳注孫賓碩令兩騎扶趙岐岐以爲是唐氏耳

目也其怖晉書徐邈傳謂范甯曰足下留意百姓故廣

爲視聽然不可縱小吏爲耳目也自古以來肯爲人左

右耳目者無非小人南史齊宗室傳坦之見帝不可奉

乃改附明帝密爲耳目北史爾朱世隆傳兆曰叔父在

朝多時耳目應廣如何今天桂受禍按老子聖人爲天

下渾其心百姓皆注其耳目鬼谷子符言有三周一曰

長目二曰飛耳皆與爲耳目說表裏

刮目相待 三國志呂蒙傳注蒙答魯肅曰士別三日卽當刮目相待北史楊愔傳愔小字秦王源子恭日常謂秦王不甚察慧今更欲刮目視之

眼孔大 唐書安祿山傳帝爲起第京師以中人督役戒

曰善爲部署祿山眼孔大母令笑我援眼孔見本事詩張元一嘲武懿宗云未見桃花面皮先作杏子眼孔

眼孔小 海錄碎事太祖與趙普議論不合念桑維翰普

言維翰愛錢上曰苟用其長當護其短指大眼孔小賜與十萬貫則寒破屋子矣

眼穿 杜詩新愁眼欲穿韓詩眼穿常訝雙魚斷

眼差 姚合詩身閒眠自久眼差事還遙差讀如咤

眼力 劉禹錫詩滅書存眼力省事養心王弼合詩簿膏

銷眼力 觴酒耗心神按孟子已云既竭目力焉

揚白眼 南史陳宗室傳新安王伯固生而龍胸目通睛

揚白眼 按龍胸見史亦僅此

眦刀眼 晉書陳訓傳訓謂甘卓頭低而視仰和法名為

眦刀

鬼眼 張舜民畫墁錄太祖謂陶穀一雙鬼眼神宗謂杜

常一雙鬼眼

夜眼 肘後方治卒死尸厥用白馬夜眼二枚本草拾遺

馬無夜眼者毒其眼在足膝上馬有此能夜行故名

眼珠子 博雅目謂之眼珠子謂之眸又選注引韓詩說

無珠子曰矇矇子具而無見曰矇按諺所云有眼卻無

珠見元人舉案齊眉曲

青盲

後漢書獨行傳任永馮信並託青盲以避世難

獨眼龍

五代史唐紀克用一目眇其貴也人號獨眼龍

五燈會元

大滄謂匡仁曰向後有獨眼龍爲汝點破在

仁聞婺州明招謙出世往禮拜言下大悟謙眇一目也

凡夫肉眼

涅槃經天眼通非礙肉眼礙非通撫言鄭光

業試策夜忽有同人突入命取水煎茶欣然從之光業

狀元及第其人貢一啟曰當時不識貴人凡夫肉眼今

日俄爲後進窮相骨頭

有千里眼

北史楊逸傳爲光州刺史廣設耳目善惡畢

聞人咸言楊使君有千里眼那可欺之

賣眼

梁武帝詩賣眼拂長袖含笑留上客

眉來眼去 劉孝威詩窗疎眉語度紗輕眼笑來我元白
仁甫牆頭馬上曲所云眼去眉來本此

眼飽腹中餓 樂錄烏夜飛曲暫請半日給徒倚娘店植
目作宴填他腹作宛惱饑周錄嘲段成式詩序廣陽公
宴段柯古速罷馳騁坐觀花艷或有眼飽之嘲因而賦
詩又九經引但語見上

眼不見爲淨 五燈會元西臺其辨師舉此語

眼中釘 五代史趙在禮傳在禮在宋州人尤苦之已而
罷去宋人喜相謂曰眼中拔釘豈不樂哉古今風謠宋
真宗時丁謂用事童謠云欲得天下寧須拔眼中丁元
曲楊氏勸夫有眼中疔語五燈會元普昭有拔卻眼中
楔語

耳而目之 呂氏審分覽在登舉士膽胥已子趙襄子襄
子以爲中大夫相國曰意者君耳而未之目耶襄子曰
吾舉登也已耳而目之矣登所舉吾又耳而目之是耳
目人終無已也遂不復問而以爲中大夫

耳聞不如目見 說苑政理篇耳聞之不如目見之目見
之不如足踐之魏書崔浩傳季順等曰耳聞不如目見吾
曹目見何可共辨浩曰汝曹謂我不目見便可欺也

舌敝耳聾 戰國策蘇秦曰舌敝耳聾不見成功

耳聾眼黑 傳燈錄百丈被馬祖一喝直得三口耳聾眼
黑

六耳不同謀 又泐潭會問如何是佛祖西來意馬祖云
六耳不同謀且去

重聽 漢書黃霸傳許丞廉吏重聽何傷文選七發虛中

重聽惡聞人聲

仰人鼻息 後漢書袁紹傳孤客窮軍仰我鼻息按鄧詡

向人喉下取氣猶此

穿鼻 南史張柬之傳徐孝嗣才非柱石聽人穿鼻北史齊

高祖紀爾朱榮戒兆曰爾非賀陸渾匹終當爲其子穿

鼻按此以牛爲喻言其受制使也

酸鼻 漢書鮑宣傳父子夫婦不能相保誠可爲酸鼻後

漢書竇融傳忠臣則酸鼻流涕義士則曠若發矇

臃鼻 南史宋前廢帝肆罵孝武爲臃奴北史王氏世臃

鼻江東謂之臃王玉篇鼻上蛇曰臃

鼷鼻 鼷音覓埤蒼鼻病也十六國春秋後趙錄王謨鼷

鼻言不清暢埤雅引語云蛇螫虎鼯兩明錄相司空有
叅軍教鸛鶴語遂無所不名當大會令效座人語有一
人鼯鼻語難學因以頭納瓮中效焉鼯牖閑評王充論
衡云鼻不知香臭爲瓮則今人以鼻不清亮爲鼯鼻作
此瓮字不爲無自矣

鼻涕長一尺 見王褒僮約又北史齊宗室傳文宣性雌
懦時有涕出永安王浚恒責左右因何不爲二兄拭鼻
按俚俗嘲人雌懦曰縮鼻涕不上本此

作如此嘴鼻 金史畢資倫傳宋破金時貽守將納合買
住降北望拜哭謂之辭故主資倫罵曰國家未嘗負汝
何所求死不可乃作如此嘴鼻耶黃庭堅題墓鎖諫圖
陳元達千載人也畫者胸中無千載韻使元達作如此

嘴鼻豈能死諫不悔哉按世譏庸劣之貌但云嘴鼻豈因此語割裂

嘴尖 揮麈餘話詹大和坐累下大理李傳正操俚語詬之曰子嘴尖如此誠姦人也元曲選三度臨岐柳劇有嘴尖舌頭快語

口尚乳臭 漢書高帝紀王問魏大將誰曰栢直王曰是口尚乳臭不能當吾韓信晉書桓元傳卞範曰元顯口尚乳臭劉牢之大失物情土崩之勢可翹足而待

黃口小兒 北史崔暹傳崔悽竊言文宣帝爲黃口小兒病從口入禍從口出 傅休奔口銘

留口啐飯 傳燈錄僧問向上一路如何傳宏瑤曰且留口啐飯著

赤口毒舌 盧仝月蝕歌烏爲居停主人不覺察貪向何
人家行赤口毒舌武林舊事端午以青羅作赤口毒舌
帖子懸門楣以爲禳禳

口燥唇乾 漢樂府善哉行來日大難口燥唇乾杜甫茅
屋爲秋風所破詩唇焦口燥呼不得

唇亡齒寒 見父子德篇左傳僖五年宮之奇曰諺所
謂輔車相依唇亡齒寒者虞虢之謂也哀八年子洩對
吳王曰夫魯齊晉之唇唇亡齒寒君所知也按戰國策
言唇揭齒寒揭猶掀也莊子胠篋篇唇竭則齒寒竭不
可解似亦揭字之訛

金牙鐵齒 易林金牙鐵齒西王母子父金牙鐵齒壽考
宜家

切齒 史記荆軻傳樊於期曰此臣之日夜切齒腐心者也漢書王莽傳言必切齒後漢書馬援傳季良尚未可知郡將下車輒切齒

摩牙 文選長楊賦磨齒之徒相與摩牙而爭之我俗以口舌相競爲摩牙似卽借用其語

吞不搖喉 魏志王粲傳注曹子丹汝非徒机上肉吳質吞汝不搖喉咀汝不搖牙按今諺云吞汝到肚裏搖蓋因斯語小變

刀在頸 國語單襄公曰人有言兵在其頸其卻至之謂乎吳志是儀傳今刀鋸已在臣頸何敢隱諱屠書陳京傳百官凜凜常若兵在頸按今罵人不畏法斂攝曰刀已在頸

芒刺在背

漢書霍光傳光驂乘上嚴憚之若有芒刺在

背唐書崔日用傳謂人曰吾生平所事皆適時制變不

專始謀然每一反思若芒刺在背

膝癢搔背

鹽鐵論利議章議論無所依如膝癢而搔背

轉背

南史蔡廓傳徐美之曰與人共計云何裁轉背便

賣惡于人

斷腰絕脊

戰國策黃歇說秦昭王斷齊秦之要絕楚魏

之脊天下五合六聚而不敢救也

豎起脊梁

稽月錄東齋謙謂道川曰汝舊呼狄三今名

道川川卽三耳能豎起脊梁辦個事其道如川之增若

放倒則依舊狄三也

胸中鱗甲

三國志蜀陳震傳震說李平胸中有鱗甲

推心置腹 後漢書光武帝紀降者更相語曰蕭王推赤
心置人腹中安得不投死乎

腹心內爛 采書五行志明帝諒闇又有異謀是以下逆
上腹心內爛也

以小人之腹爲君子之心 左傳文蘇轍古史蔡世家論
作以小人之情度君子之腹

自家肚皮自家畫 五燈會元曇秀答僧云

隔層肚皮隔塚牆 見季致遠還牢末曲

出孃肚皮 傅燈錄慧清上堂曰汝等若是箇漢從孃肚
皮裏出來便好作獅子吼

身材 又南泉謂黃檗身材沒量大笠子大小生唐無名
氏詩三十六峯猶不見况伊如燕這身材

挺身

漢書五行志挺身獨與小人晨夜相隨注云挺引

也劉屈氂傳屈氂挺身逃注云引身而逃難五代史王

思同傳諸鎮兵潰思同挺身走長安按世俗以挺身爲

勇往之辭據諸文乃適相反惟三國志注龐娥親挺身

奮手拔李壽刀有勇往象然其勇在奮手拔刀而挺身

仍只作引身解蓋引身而進引身而退同一引也

脫身

史記張耳傳亡命外黃外黃富人女嫁之耳是時

乃脫身游漢書卜式傳與兄弟田宅財物脫身去

交手

北史齊宗室傳斛律光曰卜兒輩弄兵一與交手

卽亂南史李安人傳和者曰君後當大富貴與天子交

手共戲

出手

陳書徐陵傳每一文出手好事者已傳寫成誦

賦詩詩句對君難出手

放手

後漢書明帝紀殘吏放手注謂貪縱爲非也杜詩

刈葵莫放手放手傷葵根

游手

儀禮聘禮大夫二手受栗注云受授不游手慎之

也後漢書章帝詔務盡地力勿令游手唐書寶軌傳下令諸縣有游手末作者按之

隨手

史記韓信傳鍾離昧曰吾今日死公隨手亡矣後

漢書華佗傳曹操積苦頭風眩佗針之隨手而差

斷手

唐書高祖勅云使至知元堂已成不知諸作早晚

得斷手否杜甫題江外草堂詩經營上元始斷手寶應

年按凡營造畢工謂之斷手

失手

方干詩名場失手一年年

下手 傳燈錄慧藏對馬祖曰若教某甲自射直是無下手處又僧問天地還可雕琢也無靈默曰汝試下手看揮塵錄碑工李仲宣太守使劉纂籍姓名曰不忍下手動手 全唐詩話商則任廩邱尉性廉而令丞皆貪一日宴會令丞皆舞而動手尉則回身而已令問之曰長官與贊府皆動手尉更動手百姓何容活耶人皆大笑七修類稿此取銀動手之起也

毒手 靈樞經手毒者試按龜置掘器下而按手其上五十日而龜死手甘者如故也晉書石勒載記謂李陽曰孤往日厭卿老拳卿亦飽孤毒手五代史李襲吉傳毒手尊拳相交于日暮

反覆手 漢書陸賈傳毅王降漢如反覆手耳師古曰言

其易卽孟子云反掌意

手滑 唐書武宗欲誅楊嗣復李珣杜景見李德裕曰天子年少不宜手滑夢溪筆談范希文謂同列曰諸公勸人主法外殺近臣一時雖快意他日手滑雖吾輩未敢保

落吾手

杜甫詩不意青草湖扁舟落吾手白居易泛春

池詩天與愛水人終當落吾手

在手頭

魚元機詩欲將香匣收藏卻且惜時吟在手頭

心閒手敏

見嵇康琴賦

手忙腳亂

朱子文集答蔡季通曰某過伯諫見收公濟

書大段手忙腳亂也五燈會元僧問大悲和尚如何是

大悲境中人曰手忙腳亂邵康節詩高吟大笑洛城裏

看盡人閒手脚忙楊誠齋觀蛛絲詩忽有一蚊觸蛛網
手忙脚亂便星奔

炙手可熱唐書崔鉉傳時語曰鄭楊段薛炙手可熱崔
顥詩莫言炙手可熱須臾火盡灰亦滅杜甫詩炙手
可熱勢絕倫慎莫近前丞相嗔

唾手可決後漢書公孫瓚傳注瓚曰始天下兵起我謂
唾手可決唐書隱太子建成傳利兵鑒之唾手可決又
褚遂良傳帝欲自討遼東遂良言但遣一二慎將唾手
可取

縮手旁觀冒黎集祭柳子厚文不善爲斲血指汗顏巧
匠旁觀縮手袖間

束手無措癸辛雜志東元嘉知泰州禁酷甚嚴有大書

于都門者曰東手無指按東手始見史記春申君傳

伸手不見掌五燈會元僧問金山穎如何是和尙家風

曰伸手不見掌

左手得來右手用又僧問淨慈昌心法雙忘時生滅在

甚麼處曰左手得來右手用

手印周禮司市注質劑若下手書疏云漢時下手書卽

今畫指參黃庭堅浩翁雜說引此段云豈今細民棄妻

子手墓者乎援細民或不知書惟印手指文以取信元

人雜劇所謂雜書手印是也

染指左傳宣四年子公染指于鼎嘗龍而出

刺手指易林針頭刺手百病瘳愈按此法嘗見素問今

俗多爲之而醫家薄之不用

染指甲 始許自癸辛雜誌云時回回婦多喜爲此花史
李玉英秋日採鳳仙花染指甲于月中調弦或比之落
花流水

十指有長短 劉商擬胡笳十八拍手中十指有長短截
之痛惜皆相似 七修類稿謂曹植詩誤

大拇指撓癢隨上隨下 見元山選季行道灰關記

老手舊胳膊窮嘴餓舌頭 周遵道豹隱紀談引栗齋詩
話俚語對偶云云

難將一人手掩盡天下目 曹鄴讀李斯傳詩

噴拳不打笑面 事物紀原江淮俗每作諸戲必先設噴
拳笑面村野之人以臘末作之不知何謂也歲時記村
人逐除必戴假面作勇力之勢謂之噴拳五燈會元僧

問雲臺因如何是和尚家風因曰嗔拳不打笑面

破拳 盧仝寄男抱孫詩兩手莫破拳一吻莫飲酒

孤掌難鳴 傅燈錄僧請道匡示箇入路匡側掌示之曰

獨掌不浪鳴元戴善夫風光好曲作孤掌難鳴我韓非

子功名篇一手獨拍雖疾無聲乃卽此語之祖

如失一臂 北史薛道衡傳出檢校襄州總管帝愴然曰

今爾之去朕如斷一臂唐書薛收傳帝幸東都留元趙

輔太子監國手勅曰朕留卿若失一臂

好腳跡 南部新書李逢吉知貢舉榜未放而入相及第

人就中書省見座主時人稱好腳跡門生

赤腳 杜甫詩安得赤腳踏層冰韓退之詩一婢赤腳老

無齒養病漫筆真宗用方士拜章上帝上帝遣赤腳大

仙爲嗣卽仁宗也按漢書赤地千里注空盡無物曰赤
流俗有赤貧赤手赤膊等言皆此義

動腳南史張暢傳城內乏食百姓咸有走情若一旦動
腳則各自散去北史李崇傳淮南萬里繫于吾身一旦
動腳百姓瓦解

費腳手朱子答敬夫集大成說來說似頗傷冗費腳手
無餘味矣

七手八腳五燈會元德光上堂偈云七手八腳三頭兩
面耳聽不聞眼覷不見苦樂順逆打成一片

前腳後腳永經濡水注秦始皇于海中作石橋入海四
十里見海神神怒其負約令速去始皇轉馬還前腳猶
立後腳隨崩僅得登岸

前人失腳後人把滑 餘冬序錄今世但語云云卽漢論
前車覆後車戒之意也

頭痛救頭腳痛救腳 素問刺瘡論刺者必問其病之所
先發者刺之先頭痛及頭重者刺頭上及兩額間出血
先手臂痛者刺手少陽少陰十指間先足脛痠痛者刺
足陽明十指間按俗諺所云當源於此

作人腳指 北史李幼廉傳神武責諸人曰卿等作得李
長史一腳指不

腳在肚下 五燈會元僧問淨覺本一進一退時如何曰
腳在肚下

腳搭著腦杓

見關漢卿救風塵曲

披髮童子

史記日者傳司馬季主曰公見夫披髮童子

乎

蒜髮 北齊書慕容紹宗傳吾年二十以還恒有蒜髮昨
來蒜髮忽然自盡以理推之蒜者算也吾算將盡乎不
甚蕪菁子壓油塗頭能變蒜髮

染鬚髮 漢書王莽傳莽染其須髮進所徵杜陵史氏女
爲皇后備嬪御等百二十人日夜與方士考驗方術縱
淫樂宋書謝靈運傳何長瑜嘲府僚詩云陸展染鬚髮
欲以媚側室青青不解久星星行復出劉禹錫詩近來
年少輕前輩好染鬚髮作後生

張飛鬚 季商隱驕兒詩或譁張飛鬚或笑鄧艾吃
將謂胡鬚赤更有赤鬚胡 傳燈錄百丈海語

鬚麻黑胖長 閒中古今錄奉化應復平知縣攷滿吏部

試論雖優而貌頗侏儒不得列題詩部門有爲官不用
好文章只要鬚麻黑胖長之句

火燒眉毛五燈會元僧問蔣山佛慧如何是急切一句
慧曰火燒眉毛

眉頭不伸南史王元謨傳性嚴未嘗妄笑時人言彥德
眉頭未曾伸五代史郭崇韜傳官官言崇韜眉頭不伸
常爲粗庸惜財用陛下雖欲有作其可得乎

眉毫不如耳毫龔鵬閔評諺云眉毫不如耳毫耳毫不
如老饕故蘇東坡作老饕賦按此語今見于風鑑家書
頭毛政顏錄僧法軌形容短小李榮嘯之曰身長三尺
半頭毛猶未生

蓋膽毛傳燈錄德謙謂僧曰汝道我有幾莖蓋膽毛

寒毛

晉書夏統傳聞君之言不覺寒毛盡戴唐書鄭從

謨傳捕反賊誅其首惡皆寒毛惕伏儼雅人身三萬六

千毛孔遇寒落而復生故曰寒毛

一毛不拔

見孟子文選廣絕交論莫肯廢其半菽罕有

落其一毛東坡文集與陳季長尺牘曰鄉諺有云缺口

鑷子君識之乎自注缺口鑷子取一毛不拔恐未嘗聞

故及

吹毛求疵

韓非子不吹毛而求小疵不洗垢而察難知

漢書景十三王傳今或無罪爲臣下所侵辱有司吹毛

求疵又北史崔浩傳云披毛求瑕文心雕龍奏啟篇云

吹毛取瑕

毛病

徐咸相馬書馬旋毛者善旋五惡旋十四所謂毛

病最爲害者也王良百一歌毛病深知害妨人不在占大都如此類無補也宜嫌黃山谷刀筆有此荆南人毛病之語按此本說馬人有闕德借以喻之然據韓非五蠹篇云不才之子父母怒之鄉人譏之師長教之三美加焉而其脛毛不改今所云毛病正謂其終身不能悔改者也似其源又別出於此非獨借喻於馬矣

皮相 韓詩外傳延陵季子問牧者姓氏牧者曰子乃皮相士也何足語姓氏哉史記陸賈傳足下以目皮相恐失天下之能士

頑皮 太平廣記皮日休作龜詩嘲歸仁紹有頑皮死後鑽須徧句

粘皮帶骨

詩話總龜作詩畏粘皮帶骨石曼卿紅梅詩

恨其粘皮骨也

妍皮不裹癡骨

晉書慕容超載記姚興召超與語深自

愧晦興大鄙之謂姚紹曰諺云妍皮不裹癡骨安語耳

斷送老頭皮

侯鯖錄杞人楊朴被召其妻作詩送之云

今日捉將官裏去這回斷送老頭皮

老骨頭

撫言陳太師有愛姬徐氏郾城令女也令欲因

女求收私示詩云深宮富貴事風流莫忘生身老骨頭

聞者鄙之

懶到骨

劉因詩山人懶到骨一出動經秋

怨入骨髓

史記秦本紀繆公怨此三人入於骨髓漢書

吳王傳或不洗沐十餘年怨入骨髓

剜肉作瘡

傳燈錄臨濟到鳳林鳳林曰有事相借問得

歷臨濟曰何得剜肉作瘡又雲門曰拈一毫頭盡大地
一時明得也是剜肉作瘡

醫得眼前瘡剜卻心頭肉資治通鑑載聶夷中詩
以肉爲心賈子淮難篇世人不以肉爲心則已若以肉
爲心人亦可知也按卽諺云人心肉做

古貌古心韓退之詩孟生江海士古貌又古心

寒心逸周書史記解刑始於親遠者寒心戰國策秦王之暴而積怨於燕足爲寒心史記索隱凡人寒其則心
戰恐懼亦戰今以懼譬寒言可爲心戰

定心楚詞定心廣志余何畏懼分漢書谷永傳定心爲
善捐忘邪志

虛心莊子漁父篇得聞聖教敢不虛心

心花 梁簡文帝啓心花成樹共轉六塵李白詩登眺餐
惠風心花期啟發

心肝 晉書劉曜載記隴上歌曰隴上壯士有陳安軀幹
雖小腹中寬愛養將士同心肝拔世以愛之至者呼曰
心肝非無本矣

潤肺 開天遺事楊貴妃宿酒初消多苦肺熱晨游後苑
口吸花露以潤肺

壯膽 唐書汝陽王璿醉不能下殿上遣人掖出之璿曰
臣以三斗壯膽不覺至此

斗膽 三國志姜維傳注死時見剖膽如斗大梁簡文七
勵牽鈎壯氣斗膽豪心胡曾啟推諸葛之秤心負姜維
之斗膽

明目張膽 更記張耳傳將軍瞋目張膽出萬死不顧一
生之計唐書韋思謙傳丈夫當敢言地要須明目張膽
宋史劉安世傳明目張膽以身任責

披肝露膽 後漢書郎顗傳臣生長草野不曉禁忌披肝
露膽書不擇言晉書杜蒧傳吾得披露肝膽沒身何恨
唐書員半千傳何惜王陸方寸地不使臣披露肝膽
膽如天 劉義詩酒腸寬似海詩膽大於天竹坡詩話夔
峽道中自杜少陵題詩至今無敢作者一監司過而和
之大書其側有人嘲之云想君吟咏揮毫日四顧無人
膽似天

賊膽虛 見關漢卿蝴蝶夢曲

牽腸割肚 同上

肚裏淚下

四朝聞見錄憲聖對高宗曰大姐姐遠在北

方臣妾短於定省每遇天日清美侍上宴樂方一思之

肚裏淚下

此淚從何來

天唐新語姚崇寢疾成敬奇造宅省焉對

崇涕泣既去崇惡其諛如謂子弟曰此淚從何而來

拾人涕唾

嚴滄浪詩話答吳景先書云僕之詩話是目

家鑿破此片田地非拾人涕唾得來者

握兩手汗

元史憲宗召趙璧問曰天下如何而治對曰

請先誅近侍之尤不善者憲宗不悅璧退世祖曰秀才

汝渾身都是膽耶吾亦爲汝握兩手汗也

白汗交流

戰國策驢服檻車而上大行踣伸膝折白汗

交流淮南子修務訓挈一石之尊則白汗交流

噬膿灌血

傳肱蟹譜載宋齊邱說酒令用俚語云云詳

見後卷

吐下鮮紅血只當蘇木水

見關漢卿救風塵曲

瀝血

南史孫法宗傳父隨孫恩入海被害尸骸不收法

宗聞世間論是至親以血瀝骨當悉凝浸乃操刀沿海

見枯骸則刻肉灌血如此十餘年終不能逢又梁宗室

傳豫章王綜母初在齊東昏宮及得幸武帝七月而生

綜宮中多疑之俗說以生者血瀝死者骨滲卽爲父子

綜乃私發東昏墓出骨瀝臂血試之有驗

五臟神

白居易詩睡適三尸性備安五藏神

誌

漢書注中國通呼黑子爲鑿子吳楚謂之誌誌者記

也廣韻始別有痣字

疙塔 淮南子齊俗訓親母爲其子治疙禿血流至耳見者以爲愛之至也使出於繼母則以爲嫉也疙魚乙切正字通頭瘡突起也按今以皮膚小腫爲疙塔當如是寫塔都合切見字林元人秋胡劇作疙搭非

痛癢

集韻痛癢疥瘡也音若吳老

了鳥

通雅魏明帝使公卿負土築凌雲臺公卿顛顛其

面了鳥其衣了鳥本作了鳥升菴謂其義鄙褻男子之私也智攷方言佻抗縣也注曰了佻懸物了小反胡身之注鑑曰船長曰舢舨衣長曰袂袂謂其形寫襍也其爲私稱或非古語按鳥之本字爲人从倒了也廣韻都了切懸也世以其不適於楷體故率借用鳥字水經洧水注有水懸注澗下俗人觀其挂於塢側遂目之爲零

烏水其所言似涉鄙褻

小便 左傳定三年閭以瓶水沃庭曰夷射姑旋焉注云旋小便也晉語少濇於豕牢注云少小也濇便也

後漢 更記倉公傳不得後漢注云大便也釋談採餘俗以人有分而已無分慰之者曰待後漢蓋戲慢之辭今訛爲搜索之搜因不以爲憾

乾屎橛 稻月錄臨濟曰赤肉團上有一無位真人未證據者看看有僧出問濟曰是乾屎橛又僧問惟一如何是道中人曰乾屎橛按此卽莊周所謂道在屎溺

自屎不覺臭 五燈會元保寧仁勇舉此語

影跡無端 采書謝靈運傳今影跡無端假謗空設終古之酷未之或有

搖尾乞憐 韓昌黎文集若俛首帖耳搖尾而乞憐者非
我之志也

頭尾相稱 見傳燈錄疎山仁與石霜問答